

<p><i>Ina praula africana che tematisescha il parter, l'amicezia e l'engurdien-tscha. Ils affons vegnan involvai entras prender part a la discussiun ed agir. La raquintadra ha a disposiziun in schumber.</i></p> <p>1. part</p> <p>Avon biars dis ed onns steva ina gronda plonta da mango zanza el tschunghel dall'Africa. Quella purtava grondius fretgs savurus. Di per di serimnavan las habitontas ed ils habitonts digl uaul: il liun, igl elephant, la zebra, la siarp, la giraffa e massa auters animals.</p> <p><i>Mintgamai cu gl'animal corrispudent vegn numnaus, fa la gruppa che ha quella rolla, ils moviments e las ramurs che s'audan vitier. Tenor pg. 5</i></p> <p>"Jeu sun cheu", buorla il liun e scrola p.ex. sia be- ra."Cheu sun jeu" trum- betta gl'elefant e smeina p.ex. sia trumba. "Jeu sun cheu", cloma la zebra e schumbra p.ex. cun ses calzers. "Cheu sun jeu", scutina la siarp e schula p.ex. in liung zzzzzzz.</p> <p>"Cheu sun jeu", di la giraf- fa e stenda siu liung culiez. "Jeu sun cheu" cloma la schemia e sblatscha p.ex. plein entu- siassem ses mauns.</p> <p>La schemia habitava si- sum la plonta da mango. La plonta era ina plonta magica. Mintgadi scheva la schemia il plaid magic: "Naraboro tandarobo" e</p>	<p>tut ils animals rispundevan</p> <p><i>Affons rispundan:</i> "Nara- boro tandarobo". La schemia: "Muganga ma- penda" e tuts animals</p> <p><i>Affons rispundan:</i> "Mu- ganga mapenda" La schemia: "Koda kigi kan- ga" e tuts animals</p> <p><i>Affons rispundan:</i> "Koda kigi kanga". Lu curdavan, tier mintga battacor dalla schemia, ils fretgs dultschs da mango per tiara.</p> <p><i>Schumbrada tam, tam... ed ils animals magliavan da gust.</i></p> <p>La schemia era generusa e cordiala. Ella parteva ils mangos cun tut ils animals dil tschunghel.</p> <p>La gruppa da schemias vegn intimada da dar a mintg'affon in toc mango. Mintgadi vegnevan ses amitgs sper la plonta: Il liun era cheu, igl elephant, la zebra, la siarp, la gi- raffa e tut ils auters. E mintgadi scheva la sche- mia il plaid magic cun tut ils animals. <i>Dir commu- nablamain:</i> "Naraboro tan- darobo, Muganga mapen- da, Koda kigi kanga".</p> <p>Sediscurrend, gudevan tuts ils fretgs. Mo in bi di ei in crocodil senudaus dil flum siador.</p> <p><i>La gruppa da crocodils vegn intimada da far mo- viments e ramurs da crocodil.</i></p>	<p>El ha viu ils animals sut la plonta da mango ed ei ius a riva per observar da lunsch. El vuleva veser tgei che capeti. Tutenina ha la schemia viu il crocodil. Ella ha envidau quel da gustar ses fretgs. "Vul schigliar in mango?" "Jeu hai aunc mai giu in mango", rispunda il crocodil. "Lu di cun nus il plaid magic: <i>"Naraboro tandarobo, Mugaganga mapenda, Koda kigi kanga".</i></p> <p>Tier mintga battacor dalla schemia ei in mango curdaus sper il crocodil. "Peglia", ha la schemia clamau.</p> <p><i>Schumbrada tam, tam.....</i></p> <p>Il crocodil ha schau gustar ils mangos e detg: "Delizius, propi delizius. Jeu engraziel a ti schemia." Da quei di naven ei il crocodil senudaus mintgadi dil flum siador per visitar la schemia. Ed adina ha el era priu a casa mangos per tschels crocodils. Tut ils crocodils ein stai incantai da quels fretgs. Ed els han vuliu adina dapli. La finala ha il capocrocodil giu in'idea. El ha detg: "Sche nus mazzein la schemia, lu s'auda l'entira plonta, cun fretgs e tut mo a nus." Ed el ha ponderau e detg: "Carmala la schemia tier</p>
--	---	--